

հետե ժամանակե մարտեան ընդ բերդին ընդ այնմիկ Պարսիկք, եւ ոչ կարացին առնուլ, մինչեւ եկն Պապ թագաւորն յերկիրն Յայոց. զի պահեցաւ զանձն եւ եհաս ամբողջ ի Պապ թագաւորն մինչեւ եկն: 22 Եւ զաւրսն Յուսաց յեռանդ եւ ի Բախիշն ընդ ամենայն երկիրն Յայոց բաշխեին ընդ ամենայն զաւառսն. բայց միայն Մերուժանն չարագործ փախչեր միաձի:

23 Իսկ Մուշեղ զաւրաւարն Յայաստանեաց շրջեր ընդ երկիրն, եւ աւերեր զատրուշանսն Մազդեզանցն: 24 Իսկ զՄազդեզունսն, որ միանգամ ի բուռն արկին, զամենեսեան տայր հրաման սպարապետն Մուշեղ ունել եւ հրով խորովել: 25 Եւ բազում բերդակալս բերդացն չարամահս առնեին, եւ զբազում պատուաւոր տեարս՝ որ պատուականք էին առաջի թագաւորին Պարսից՝ ունէր ձերբակալս<sup>1</sup> Մուշեղ, եւ տայր մորթել եւ լնուլ խոտով եւ կանգնել ի վերայ պարսպացն: 26 Ընդ բազում տեղիս զայս առնէր ի վրէժս հաւրն իւրոյ Վասակայ:

27 Եւ շինեին զամենայն աւերեալսն ի թշնամեացն, եւ զեկեղեցիսն նորոգեցին. եւ թագաւորութիւնն հաղ քան զհաղ նորոգէր, եւ իրք ժամանակին հաղ քան զհաղ յառաջադէմ աջողէին: 28 Եւ սուրբն Ներսէս իմաստուն հայրապետն առաջնորդէր եւ լուսաւորէր, խրատէր եւ կարգէր եւ շինէր աղքատաց հանգիստ, որպէս եւ ինքն ի բնէ իսկ սովոր էր. եւ զվարս թագաւորութեանն իսկ յաւրինէր ամենաբարի կրանիւք, որպէս եւ տեսեալ էր իւր առ հնանք թագաւորաւք: 29 Եւ առաւել զկարգս եկեղեցւոյ պաշտամանն Եպիսկոպոսաց, երիցանց եւ սարկաւագաց, եւ շինուածս եկեղեցւոյ վկայանոցաց, զամենայն նորոգեաց, ուսոյց եւ յարդարեաց:

30 Չաւրաւարն Յայոց Մուշեղ զգունդ իւր կազմէր, եւ երթայր ի սահմանսն՝ կալ անդ, զգուշացեալ զսահմանաւք երկրին իւրոյ՝ պահել զիւր աշխարհն հրամանաւ իւրոյ թագաւորին Պապայ:

ԳԼՈՒԽ Բ.

1 Յաղագս զաւրաւարին Մուշեղայ Յայոց, թէ որպէս անկաւ ի վերայ բանակին Շապիոյ թագաւորին Պարսից, եւ եհար զնա ի հարուածս անհնարինս, մինչ զի միաձի Շապուհ ճողոպրէր:

2 Ապա Մուշեղ որդի Վասակայ, ստրատելատն Յայոց մեծաց, ընդրեաց իւր արս ընտիրս միամիտս ազատս ազգայինս քառասուն հազար, միաբանս միակամս, եւ կազմեաց զնոսա ձիով եւ թռչակաւ եւ զինու. եւ առեալ զնոսա ընդ իւր, երթալ նստել ի սահմանս Ատրպատնացն, եւ պահել զաշխարհն Յայոց: 3 Ապա յայնմ ժամանակի կազմեաց պատրաստեցաւ Շապուհ արքայ Պարսից ամենայն կազմութեամբ զաւրովք իւրովք, եկն եհաս

1 *Օրինակ մի՝ ձերբակալեալս*